



Minggu, 27 Maret 2022

Ogen: Kuan-kuanen 31:14-15



NIKAPKEN NAKAN



Kebutuhan utama manusia eme sandang, pangan dan papan. Keperluan uis guna nutupi daging kula, gelah nyaman, sehat ras sidebanna salah sada jadi nilai budaya, ruis amin lit kange suku sideban labo kuh peruisna bagi kebiasanta. Pangan, nakan, inemen jadi sada keperluan njagai daging kula sehat alu ncukupken nutrisina. Papan eme ingan cio cilinggem, rumah ingan tading. Adi uis, banci ipakai berulang, iulih-ulih; rumah sada ngenca perlu, adi langa terbangun banci numpang ntah pe newai. Tapi adi pangan ras inemen iperluken tep-tep wari, la banci ipake berulang, keru. Jadi arus isikapken tep-tep paksa. Emaka megati ka nge si begi maka 'mencari sesuap nasi'; ncukupken beltek sejengkal, pulu tengah ras sidebanna. Payo, nakan la saja arus ilitken, bias tapi pe arus pangan si sehat gelahna mejuah-juah daging kula.

Bagenda me ituriken ibas renungenta enda kerna kecerdiken sekalak diberu ibas geluhna. Diberu pengusaha, ngasup ia ngaturken ras ngelitken keperlunna, bahan pangan. Isuratken kerna kapal-kapal dagang jadi gambaren paksa e enggo nge ia 'mengimpor' bahan pangan guna ncukupken ras persiapen bahan panganna. La terjeng nikapken tapi pe kuga ia nikapken keperluan isi jabu, lampas keke ope terang wari guna nikapken nakan man isi jabuna. Ia njamin kerina keperluan isi jabu la lit si la tercukupi. Enda me ikataken 'bersihkan dapur anda dari bahaya'. Bahaya kekurangan, bahaya kelihen.

Mbelin kal enda hubungenna ras kengasupenta selaku diberu, nande itengah jabu. Mbage kal pengukurita gelah lit nakan si man pangan. Sebagin kalak banci saja labo langlang keperluanlunna, cukup sen ngelitkenca, amin pe megati ula lebe ngukurken senna, kai siman pangan, menu kai si perlu ipesikap pe latih kal siakap ngukurisa. Bageme kerja kerasta guna ngaturken ras nikapken nakan man anak jabuta.